

〔明〕

王夫之

著

楚辭通釋
古詩評選
唐詩評選
明詩評選

三

劉夫之

著

楚辭通釋
古詩評選
唐詩評選
明詩評選

三

岳麓書社

图书在版编目 (CIP) 数据

船山全书 单行本之十三, 楚辞通释·古诗评选·唐诗评选·明诗评选/(明)王夫之撰—长沙: 岳麓书社, 2010 12

ISBN 978-7-80761-552-1

I 船… II 王… III ①王夫之(1619~1692)—全集②古典诗歌—文学评论—中国 IV ①B249 21②I207 22

中国版本图书馆 CIP 数据核字(2010)第 245548 号


楚辞通释·古诗评选·
唐诗评选·明诗评选(全三册)

著 者 [明]王夫之
总 修 订 杨 坚
责任编辑 刘 文
特邀编辑 朱树人
封面设计 胡 颖
出版发行 岳麓书社
网 址 <http://www.yueluhistory.com>
地 址 湖南省长沙市爱民路47号
邮 编 410006
电 话 0731-88885616(邮购)
经 销 湖南省新华书店
印 刷 长沙化勘印刷有限公司
版 次 2011年1月第1版第1次印刷
开 本 960×640 1/16
印 张 72.75
字 数 847千字
书 号 ISBN 978-7-80761-552-1/G·917
定 价 125.00元

如有印装质量问题,请与承印厂调换

厂址 长沙市青园路4号 电话 0731-85583670 邮编 410004

ISBN 978-7-80761-552-1



9 787807 615521 >

明
詩
評
選

明詩評選卷一

樂府

秦簡王[⊖]

折楊柳

靈州城下柳，多被官軍竊。猶餘拂地條，更苦行人折。無復眼窺春，不見花如雪。今君赴玉關，將何贈離別？

駸人唐製，而有神行象外之妙。

⊖ 清初鈔本注：「成泳」，爲王之名。按：明史「成」作「誠」。

劉基^①

戰城南

朝戰城南門，暮戰城北郭。殺氣高衝白日昏，劍光直射旄頭落。聖人以五服限夷夏，射獵耕作各自安土風，胡爲彼狂不自顧，而與大國爭長雄？高帝定天下，遺此平城憂。陛下宵旰不遑食，擁旄仗鉞臣不差。登南城，望北土，雲茫茫，土膻膻。蚩尤馮牙雷擊鼓。舉長戟，揮天狼，休屠日逐渾邪王，氈車尾尾連馬羊。橐駝載金人，照耀紅日光，逍遙而來歸帝鄉。樂熙熙，際天所覆罔不來。小臣獻凱未央殿，陛下垂拱安無爲。

翔折悲壯。

思悲翁

弱齡輕日月，邁景想神僊。顧往諒無及，待來徒自憐。黃金棄砂磔，劬心鍊丹鉛。鑿石不得水，沈劍徒窺淵。流光不我與，白髮盈華顛。仗策出門去，十步九不前。歸來對妻

① 清初鈔本注：「伯溫，青田人，御史中丞，誠憲伯，謚文成。」

子，塵竈午未煙。干時乏計策，退耕無閒田。霜蒲怨青松，逝矢恨驚弦。已矣復何道，吞聲赴黃泉。

平靜。

聖人出

聖人出，臨萬方，赤若白日登扶桑。陰靈韜精星滅芒，羣氛辟易歸大荒。晻晻寒谷熙春陽，枯根發苗暢幽藏。潛魚躍波谷鳥翔，花明草暖青天長。青天長，聖人壽，北斗軒轅調氣候。北辰中居環列宿，八風應律九歌奏。圓方交格神靈輳。聖人出，陽道開。億萬年，歌康哉！

平頌不頌。轉韻回波，一以自然，不至貌人倔强。

思美人

雨欲來，風蕭蕭。披桂枝，拂陵苕。繁英隕，鮮葉飄。揚煙埃，靡招搖。激房帷，發綺綃。中髮膚，慚寂寥。思美人，隔青霄。水渺茫，山岩嶮。雲中鳥，何脩脩。欲寄書，

○「聞」：太平洋本同。清初鈔本此首所在之頁失落。誠意伯文集作「聞」。

天路遙。東逝川，不可邀。芳蘭花，日夜凋。掩瑤琴，閉玉簫。魂毀毀，心搖搖。望明月，歌且謠。聊逍遙，永今宵。

亦峭，亦鍊，亦麗，而統之以潔。凡爲峭爲麗爲鍊而不能爲潔，一有筆性人輕薄儻樣耳，烏足道哉！

楚妃歎 刺奇后 ㊟

江漢揚波六千里，上有巫山矗天起。錦衾一夕夢行雲，萬戶千門冷如水。聞道秦兵下武關，君王留連猶未還。山深不見章臺殿，汨羅冤淚空潺湲。尚憶前王好馳逐，宮中美人不食肉。回狂作哲須臾間，至今相業歸孫叔。楚宮無復如昔人，况有神女如花新。悲來恨新還憶故，誰能斷卻巫山路。

有括有放。

㊟

「刺奇后」：太平洋本同。清初鈔本本篇所在之頁失落。誠憲伯文集篇題無此三字。按：此蓋船山所作之題注。二本原爲大字，空一格排於「楚妃歎」三字之下，今改爲小字偏右。奇后，元順帝完者忽都皇后奇氏，見元史。

王子喬 刺愛猷失理達臘①

王子喬乃是髀王之子、皇王之孫。深宮洞房不稱意，卻駕白鶴尋軒轅。虹蜺爲旆雲爲旛，飄然乘風上崑崙。王子喬，去何之？朝發陽谷暮崦嵫，六龍九鳳相追隨。穆王西上不得王母訣，胡爲元氣徒爾私？王子喬，去不還。后稷功業委如山，猶有九鼎知神姦。王城日夕生茆菅，爾獨胡爲白雲間？王子喬，空長歎。

駘宕深駿，漢人奪色，李賀、張籍何有哉！

走馬引

天冥冥，雲濛濛，當天白日中貫虹。壯士拔劍出門去，手提仇頭擲草中。擲草中，血漉漉，追兵夜至深谷伏。精誠感天天心哀，太一乃遣天馬從天來，揮霍雷電揚風埃。壯士呼，天馬馳。橫行白晝，吏不敢窺。戴天之恥自古有必報，天地亦與相扶持。夫差徒能

①

「刺愛猷失理達臘」：太平洋本同。清初鈔本此首所在之頁失落。誠意伯文集篇題無此七字。按：此蓋船山所作之題注。二本原爲大字，空一格排於「王子喬」三字之下，今改爲小字偏右。愛猷失理達臘，元順帝太子。元史「失」作「識」。

不忘而報越，棲於會稽又縱之。（使）〔始〕知壯〔士〕〔士〕獨無愧[⊖]，魯莊、嵇紹何以爲人爲？

一淺一深，俱致極人心，太白尚遜其峭出。

獨漉篇

獨漉復獨漉，月明江水濁；水濁迷龍魚，月明復何如？楚國皆濁，屈原獨清；行吟澤畔，哀哉不平。上山采〔茶〕[⊖]，下山采藥；心在腹中，何由可白？豺狼在後，虎豹在前；四顧無人，魂飛上天。珠玉委棄，不如泥沙；躡冠戴履，萬古悲嗟。

亦苦亦俊，乃稱此體。

長相思

長相思，在沅湘。九疑之山鬱蒼蒼。青天蕩蕩林木暗，落日虎嘯風飛揚。欲往從之水無航。仲尼有德而不用，孟軻竟死於齊梁。松柏摧折桂生蠹，但見荆棘如山長。長相思，

⊖ 此句誠意伯文集作「始知壯士獨無愧」。清初鈔本本篇所在之頁失落。此本及太平洋洋本有誤字。均據改。
⊖ 「茶」：此本與太平洋洋本作「茶」，清初鈔本本篇所在之頁失落。據誠意伯文集改「茶」。

斷人腸。

破體換意，而神情正近。

大牆上蒿行

牆上蒿，方春擢秀何芄芄！炎天六月旱無雨，枝葉枯死隨飄風。世情翻覆不可擬，人生有身莫依倚。君不見樊將軍，一朝函首西入秦。又不見劉越石，仰天長歌握中璧。三士自殘因二桃，子胥終棄吳江濤。世人見機苦不早，何不看取牆上蒿？

一直九折，竟以舒爲斂，天授非人力也。

蜀國絃

胡笳拍斷玄冰結，湘靈曲終斑竹裂。爲君更奏蜀國絃，一彈一聲飛上天。蜀國周遭五千里，峨眉岌岌連玉壘。岷嶓出水作大江，地砮天浮戒南紀。舒爲五色朝霞暉，慘爲虎豹嗥陰霏。翕爲千嶂雲兩人，噓爲百里雷霆飛。白鹽雪消春水滿，谷鳥相呼錦城暖。巴姬倚歌漢女和，楊柳壓橋花纂纂。銅梁翠氣通青蛉，碧雞啼落天上星。山都號風寡（孤）

〔狐〕○泣，杜鵑嗚咽愁幽冥。商悲羽怒聽未了，窮猿三聲巫峽曉。瞿塘噴浪翻九淵，倒瀉流泉喧木杪。樓頭仲宣羈旅客，故鄉渺渺音塵隔。含悽更聽蜀國音，不待天明頭盡白。

饒有往復，而無一溢詞。點染已至，而抑無一浮字。所謂拓小以大，居多以少者也。何得不推爲天才！

東飛伯勞歌

南飛鷗（鷗）〔鵠〕○北飛鵠，黃昏雞鳴白日燭。珊瑚石上栽兔絲，鴛鴦獨宿枯桑枝。永夜涼蟾入羅幕，蟬翼不如秋鬢薄。寒塘露蓮千葉紅，可憐零落空隨風。

較梁武始製，以雅奪鄭。雅而不作糲板氣，千古唯公獨步。

前有尊酒行

前有尊酒芳以飴，舉杯欲飲且置之。丈夫有志可帥氣，胡爲受此麩藥欺？禹惡旨酒，玄

○「狐」：此本及太平洋本作「狐」，清初鈔本本篇所在之頁失落。據誠意伯文集改「狐」。
○「鵠」：從太平洋本改，誠意伯文集正作「鵠」。此本作「鵠」，清初鈔本作「鵠」，均誤。

德上達。桀作酒池，而南巢是蔡。商辛惡來以白日爲夜，糟丘肉林相枕藉。瑤臺倏忽成灰塵，流毒猶且遷殷民。夫差醜而納施，楚國酣而放屈。姑蘇臺上麋鹿遊，鄢郢宮中狐兔出。灌夫罵坐，禍延魏其。竹林稱賢，神州羨藜。亡家破國有如此，酒有何好而嗜之？前有尊酒釀以清，酌之白日成晦冥。眼花耳熱亂言語，元氣耗斃肝膽傾。乃知酒是喪身物，衛武之戒所以垂休聲。

板腐理，以如許豪情逸度將之。文成賴此而爲王佐。

無愁果有愁曲

君不見陳家天子春茫茫，後庭玉樹凝冷光。樓船江上走龍陣，宮中只報平安信。酒波灩灩蒸（紛）〔粉〕○香，暖翠烘煙妬嬌鬢。無愁老夫貂鼠裘，降旗搖動臺城秋。生綃束納檻車去，始信人間果有愁。

等閒拈出，自然染骨透髓。足知不在刻鏤。

○〔粉〕：據清初鈔本。此本與太平洋本作〔紛〕，誤。

靜夜思

靜夜思，一思腸百轉。啼螿當戶聽不聞，明月在庭看不見。方將入海劇猛蛟，復欲度嶺邀飛獠。胸中倏忽亂憂喜，得喪紛紛竟何是。靜夜思，思無窮。天雞一聲海日紅，滿頭白髮吹秋風。

狀景狀事易，自狀其情難。知狀情者，乃可許之紹古。文成起千年後，奪得三百篇、漢人精髓矣。

節婦吟

淒切復淒切，綠萍初生池水竭。蘭根壓霜芽不茁，春風泠泠逐秋月。蓼蟲食苦甘如酒，卷蘼雖生心已朽。（楊）〔揚〕○州青鏡蝕土花，玉匣瓊臺復何有？君不見人間日月如飛梭，地下相從應始多。

硬做。濫驅興比，正意即在中轉。

○「揚」：從清初鈔本。此本與太平洋本作「楊」，誤。

楊維禎[⊖]

鳴箏曲

斷虹落屏山，斜雁著行安。釘鈴雙啄木，錯落千珠杵。愁龍啼玉海，夜燕語雕闌。只應桓叔夏，重起爲君彈。

不減王元長。

郭奎[⊖]

長相思

長相思，小山下。靡蕪秋深沒行路，王孫年年歸不去。江南木落天色寒，鴻雁滄波連日暮。我思昔兮金佩環，美人座上花如顏。紫芝叢桂紛兩間，下有流水清潺湲。吹笙鼓瑟心長閒，別來歲久鬢髮斑。青雲猿鶴不可以企及，魂飛夢往愁鄉關。長相思，何日還？

⊖ 清初鈔本注：「廉夫，會稽人。蒙古進士提舉。洪武初召修禮書，以老乞骸。別號鐵崖。」
⊖ 清初鈔本注：「子章，巢縣人。皇姓大都督府參謀。」

歛奇歸純，不妨特製。

烏夜啼

石頭城上烏，遙夜鳴相呼。紫清道士有兩樹，烏啼不離樹高處。千聲啞啞復萬聲，中堂酒闌夢未成。呼童把燭起開戶，照樹惟恐鄰人驚。庭前再拜爲爾說，我家舊住長淮北。慈親已老反哺違，零落猶爲異鄉客。嚴霜滿天江月輝，東方未白羣星稀。明朝日出當早飛，莫使涕淚露裳衣。

借古題作新詩。奇不怪，文不醋，曲不雜，自不入時。

劉炳

行路難

奉君五彩鳳凰之綺幄，七寶鴛鴦之錦牀，博山氤氳之冰屑，金盤沆瀣之瓊漿。春風無情不相待，朱顏綠鬢年年改。姑蘇臺上鼓如雷，四時歌舞百花開。當年意氣今安在？鬼火

○ 清初鈔本注：「彥同，中書典籤，鄒陽人。」